

EFTALI QIRJAQI




Adresa: Lagje "Qemal Stafa", Rr. "Studenti",

Shkodër, Albania

Tel +355 2 22 417 46

Cel. 06902079434, Cel 0692069434

e-mail: eliqirjaqi@yahoo.com



## RAPORTI I EKSPERTIT KONTABËL TË REGJISTRUAR

Për Auditimin e Fondeve të Përfituara dhe Shpenzuara  
Për Fushatën Zgjedhore 2015

**KANDIDAT I PAVARUR  
VASIL LAVER BEDINAJ**



Shkodër 26 Tetor 2015



## RAPORTI I EKSPERTIT KONTABËL TË REGJISTRUAR MBI ANGAZHIMET E AUDITIMIT PËR QËLLIME TË VEÇANTA

DREJTUAR KOMISIONIT QENDROR TË ZGJEDHJEVE  
Bulevardi: "Dëshmoret e Kombit"  
Pallati i Kongreseve, Tiranë

Të nderuar zotërinj,

Në cilësinë e Ekspertes Kontabël të Regjistruar, bazuar në Vendimin nr.969, dt.10.08.2015, të Komisionit Qendror të Zgjedhjeve si dhe Kontratës të Shërbimit Nr.7705, dt.28.09.2015, kam audituar pasqyrat që lidhen me financimin e fondeve të përfituara dhe të shpenzuara për fushatën zgjedhore për zgjedhjet për organet e qeverisjes vendore, që fillon me datë 21.05.2015 me regjistrimin e kandidatit të pavarur Vasil Laver Bedinaj në Komisionin Qendror të Zgjedhjeve (si subjekt zgjedhor) dhe mbyllet me datë 20.06.2015 me përfundimin e fushatës zgjedhore të 21 Qershor të vitit 2015.

Përgatitja e këtyre pasqyrave është përgjegjësi e subjektit zgjedhor. Pasqyrat e fondeve të përfituara dhe shpenzuara dhe librat përmbledhës të aktivitetit financiar janë përgatitur nga kandidati i pavarur dhe pasqyrojnë të gjitha transaksionet në lidhje me fushatën zgjedhore.

Përgjegjësia ime është të shpreh një opinion mbi këto pasqyra bazuar në auditimin e kryer. Auditimi u krye në përputhje me Standartet Nderkombetare të Auditimit, referencë të vecantë me SNA 800. Këto standarte kërkojnë që unë të planifikoj dhe të kryej auditimin për të zotëruar siguri të arsyeshme, se pasqyrat e fondeve të përfituara dhe të shpenzuara nuk përmbajnë anomali materiale. Auditimi përfshin shqyrtimin, mbi bazen e testeve, të fakteve që mbështesin shumat dhe deklaratimet në pasqyrat e fondeve të përfituara dhe të shpenzuara që përfshijnë: Librin e llogarive të subjektit, regjistrin e posacëm të miratuar si model, me vendim nr.266 të KQZ-së, dt.01.06.2009 si dhe pasqyrën e arkëtimit pagesave. Auditimi përfshin gjithashtu, vlerësimin e parimeve të kontabilitetit të ndjekura dhe vlerësimet e rëndësishme të bëra nga drejtimi, si edhe vlerësimin e paraqitjes së përgjithshme të pasqyrës.

Unë çmoj se evidenca e auditimit që kam siguruar është e mjaftueshme dhe e përshtatshme për të dhënë një bazë për opinionin tim të auditimit.

### OPINION

Pasqyra e fondeve të përfituara dhe shpenzimeve të kryera për fushatën zgjedhore të kandidatit të pavarur Vasil Laver Bedinaj që fillon me dt.21.05.2015 dhe mbyllet me dt. 20.06.2015 është përgatitur në të gjitha aspektet materiale, në përputhje me kërkesat e raportimit financiar, konform ligjit nr.9228 dt.29.04.2004 "Për kontabilitetin dhe pasqyrat financiare" me përjashtim të parregullsive pjesore në lidhje me kryerjen dhe dokumentimin e shpenzimeve sipas kërkesave të Ligjit nr.10019, datë 29.12.2008 "Kodi Zgjedhor i Republikës së Shqipërisë".

Eksperte Kontabël e Regjistruar

Eftali QIRJAQI



Shkodër, me 26/10/2015



## I. VERIFIKIMI I PASQYRËS SË FONDEVE TË PËRFITUARA DHE SHPENZIMEVE TË KRYERA

## I.1 FONDET E PËRFITUARA GJATË FUSHATËS ZGJEDHORE 2015

Përshkrimi sipas natyrës		
Nr.	Natyra e të ardhurave	Vlera
<b>1</b>	<b>Fondet e përfituara</b>	
1.1	Nga fondet publike	0
1.1.1	Fondi për fushatën zgjedhore 2015	0
1.2	Donacionet e përfituara në vlerë monetare	<b>967,000</b>
1.2.1	Donacionet nga persona fizikë dhe juridikë vendas	967,000
1.2.2	Mjete monetare të krijuara nga aktiviteti i subjektit zgjedhor	0
1.2.2.1	Fonde të krijuara nga kartat e anëtarësisë dhe kontributet e anetarëve	0
1.2.2.2	Fonde të krijuara nga marrëveshjet me palët e treta	0
1.3	Donacionet e përfituara në sende dhe shërbime të vlerësuara me vlerë tregu	0
1.4	Përfitime nga reklama televizive sipas nenit 84 pika 6	0
1.5	Të tjera	0
<b>Shuma totale e fondeve</b>		<b>967,000</b>

## 1. Financimi i subjekteve zgjedhore nga fondet publike

Në ligjin Nr.10091, datë 29.12.2008 Kodi zgjedhor i Republikës së Shqipërisë, i ndryshuar, Neni 87 "Shpërndarja dhe rishpërndarja e fondeve publike që i shpërndahet secilit për subjektet zgjedhore" pika 2 shpreh "Sasia e fondeve publike që i shpërndahet secilit prej subjekteve zgjedhore caktohet me vendim të KQZ-së, sipas rregullave të mëposhtme"

Konstatohet:

Nga verifikimet e kryera rezulton se kandidati i pavarur nuk ka qenë përfitues i fondeve publike.

## 2. Financimi i subjekteve zgjedhore nga fondet jopublike

Në ligjin Nr.10091, datë 29.12.2008 Kodi zgjedhor i Republikës së Shqipërisë, i ndryshuar, Neni 89 "Financimi i subjekteve zgjedhore nga fondet jopublike" konstatohet se:

Neni 89 pika 1 shpreh:

Subjektet zgjedhore mund të marrin, për qëllime të fushatës të tyre zgjedhore, fonde vetëm nga persona fizikë ose juridikë vendas. Për qëllim të këtij Kodi, konsiderohet person fizik vendas edhe shtetasi shqiptar me banim jashtë territorit të Republikës së Shqipërisë.

Konstatohet:

Nga verifikimet e kryera rezulton se subjekti ka qenë përfitues i fondeve për qëllime të fushatës zgjedhore nga persona fizikë, kjo sipas deklaratimit të përfaqësuesit si dhe të regjistrit të dhurimeve nënshkruar nga kandidati i pavarur dhe mandat arkëtimeve deri në datën e raportit.



Neni 89 pika 2 shpreh:

Shuma që çdo person fizik apo juridik mund t'i japë një subjekti zgjedhor nuk mund të jetë më e madhe se 1 milion lekë ose kundervlehtë në sende ose shërbime.

*Konstatoj:*

Subjekti ka qenë përfitues i fondeve për qëllime të fushatës zgjedhore nga persona fizikë më të vogla se 1 milion lekë ose kundervlehtë në sende ose shërbime.

Neni 89 pika 3 shpreh:

Ndalohehtë dhënia e fondeve nga një person juridik apo cdo aksionar i tij nëse ndodhet në një nga kushtet e mëposhtme:

- a) Ka përfituar fonde publike, kontrata publike apo koncensione në 2 vitet e fundit me vlerë mbi 10 milion lekë;
- b) Ushtron veprimtari në fushën e medias;
- c) Ka qenë partner me fonde publike në projekte të ndryshme
- d) Ka detyrime monetare ndaj Buxhetit të Shtetit ose ndaj cdo institucioni publik.

*Konstatoj:*

Nga verifikimet e kryera rezulton se subjekti nuk ka qenë përfitues i asnjë fondi për qëllime të fushatës zgjedhore nga persona juridikë apo cdo aksionar i tij i cili ndodhet në kushtet e mësipërme.

## I.2 SHPENZIMET E KRYERA PËR FUSHATËN ZGJEDHORE 2015

Pershkrimi sipas natyrës		Vlera
<b>Nr.</b>	<b>Natyra e shpenzimeve</b>	
<b>2</b>	<b>Shpenzimet e kryera</b>	
2.1	Paga e Shpërblime për fushatën zgjedhore	-
2.2	Vëzhgues për fushatën zgjedhore	450,000
2.3	Postera, fletëpalosje, banderola e materiale të tjera	50,000
2.4	Shpenzime telefonike dhe internet	100,000
2.5	Shpenzime udhetime dieta (karburant)	300,000
2.6	Shpenzime kancelari	-
2.7	Shpenzime pritje përcjellje	67,000
2.8	Sherbime riparime pj.këmbimi karburant	-
2.9	Të tjera	-
<b>Shuma totale e shpenzimeve</b>		<b>967,000</b>

Shpenzimet e kryera janë bazuar në fatura të thjeshta tatimore, kupona tatimorë, mandat pagesa. Kandidati i pavarur u pajis me një letër rekomandimi nga audituesi në lidhje me përmirësimet që mund të bëhen mbi mbajtjen e dokumentacionit.



## I.3 PASQYRA E MJETEVE MONETARE

Kandidati i pavarur nuk zotëron llogari bankare nëpërmjet të cilës mund të kryente transaksionet financiare.

Nga verifikimi i likuiditeteve në arkë rezultojnë lëvizjet si më poshtë:

	Në fillim të periudhës 27/04/2015	Hyrje fondesh 27/04/2015- 02/06/2015	Pagesa shpenzimesh 27/04/2015- 02/06/2015	Në fund të periudhës 02/06/2015
	Lek	Lek	Lek	Lek
Depozita në arkë (per fushaten)	0	967,000	967,000	0
<b>Totali</b>	<b>0</b>	<b>967,000</b>	<b>967,000</b>	<b>0</b>

## IV. PERIUDHA E AUDITIMIT

Për arsye të specifikave të fushatave zgjedhore por edhe të politikave tregtare të palëve të treta me të cilat është bashkëpunuar, periudha që mbulon auditimi i fondeve të përfituara dhe shpenzimeve të kryera përfshin periudhën 27/04/2015 deri me 02/06/2015. Pavarësisht se fushata zgjedhore përfshin datat 21/05/2015 deri me 20/06/2015, periudha e auditimit është zgjeruar duke përfshirë periudhën para dhe pas fushatës elektorale sepse është tregues i transaksioneve të konstatuara që i përkasin përfitimeve dhe shpenzimeve për fushatën zgjedhore dhe si rezultat japin një pamje më të sinqertë dhe të vërtetë të fondeve të fituara dhe shpenzuara.

Eksperte Kontabël e Regjistruar

Shkodër, me 26/10/2015

Eftali QIRJAQI



## DEKLARATË

Vlorë, me 24/10/2015

### Drejtuar Auditit Eftali QIRJAQI

Bazuar në kërkesën e auditit të emëruar nga Komisioni Qendror I Zgjedhjeve me Vendim nr.969, datë.10.08.2015 për auditimin e fondeve të përfituara nga Kandidati I Pavarur Z.Vasil Laver Bedinaj, nga persona fizikë ose juridikë vendas, për zgjedhjet për organet e qeverisjes vendore 2015 ju vë në dijeni se shuma totale e fondeve e përfituar është 967.000 lekë.

Shuma analitike është e analizuar në tabelën vijuese.

**Kandidat I pavarur**

Vasil Laver Bedinaj

